




**AWIG - AWIG
DESA ADAT CEKIK**



**KEBENDESAAN BEREMBENG, KECAMATAN SELEMADEG
KABUPATEN DAERAH TINGKAT II TABANAN
TAHUN 1992, ÇAKA 1914**

MURDA WAKYA

Melarapan saking panghyanging kalih pasuecan Ida Sang Hyang Parama Kawi, agung kerta nugraha ngawentenang kauripan kalih genah pesayuban ring Desa Pekraman, rawuhing sakulawarga pawongannya.

Maha don kasuastaning bhuana kalih krama Desa Adat Cekik ngastiti ngerajegang tata susila, tata krama sane mawit saking sinar kesucian Agama Hindu, mapemuger Pancasila, Undang-Undang Dasar 1945 sane dados penyejer Negara Republik Indonesia, rawuhing Desa Pekraman nganutin Tri Hita Karana mapegamel ring daging Undang-Undang, Tri Semaya, Catur Dresta, Tri Rna manut desa, kala, patra maka dasar antuk pasikian manah midabdab nemesang tulung tinulung pasilih-asih gumantisida ngemangguhang sukerta, trepti, rahayu ring krama miwah ring pawongannya suang-suang.

Titiang sareng sami Desa Adat Cekik midabdab ngeraremin kalih nyungkemin awig-awig sane kemanggehang ring waengkon Desa Adat Cekik sekadi kemunggahang ring sarga, palet miwah pawos-pawos ring sor puniki.

DAGING BUKU

	Halaman
MURDA WAKYA	1
DAGING BUKU	11
SARGA I ARAN LAN WEWIDANGAN	1
SARGA II PETITIS LAN PAMIKUKUH	1
SARGA III SUKERTA TATA PEKRAMAN	2
Palet 1 : Indik Krama	2
Palet 2 : Prajuru Desa	4
Palet 3 : Indik Kulkul	6
Palet 4 : Indik Paruman	7
Palet 5 : Indik Druwen Desa	8
Palet 6 : Sukerta Pamitegep	9
Kaping 1 : Indik Karang, Tegal lan Carik	9
Kaping 2 : Indik Pepayonan	10
Kaping 3 : Indik Wewangunan	11
Kaping 4 : Indik Wewalungan	11
Kaping 5 : Indik Baya	12
Kaping 6 : Penyanggran Banjar	12
SARGA IV SUKERTA TATA AGAMA	13
Palet 1 : Indik Dewa Yadnya	13
Palet 2 : Indik Rsi Yadnya	16
Palet 3 : Indik Pitra Yadnya	17
Palet 4 : Indik Manusa Yadnya	18
Palet 5 : Indik Bhuta Yadnya	19
SARGA V SUKERTA TATA PAWONGAN	19
Palet 1 : Indik Pawiwahan	19
Palet 2 : Indik Sentana	20
Palet 3 : Indik Warisan	20
SARGA VI WICARA LAN PAMIDANDA	21
Palet 1 : Indik Wicara	21
Palet 2 : Indik Pamidanda	21
SARGA VII NGUWAH-NGUWUHIN AWIG-AWIG	25
SARGA VIII PEMUPUT	25

S A R G A I
ARAN LAN WEWIDANGAN DESA

Pawos 1

1. Desa Adat puniki mewasta Desa Adat Cekik.
Pelemahanipun megenah ring kebendesaan Berembeng, Kecamatan Selemadeg, Kabupaten Daerah Tingkat II Tabanan.
2. Jebar kekuwub wewidangannya mewates nyatur:
 - a. Sisih Wetan ring Tukad Yeh Matan;
 - b. Sisih Lor Desa Adat Gablogan;
 - c. Sisih Kidul Desa Adat Bebali;
 - d. Sisih Kulon ring Pangkung Celagi.
3. Desa Adat puniki kewangun antuk i krama Adat Cekik, turmaning ke-pah dados tigang bebanjaraan, soang-soang sinanggeh tempekan luire:
 - a. Tempek Adat Kaja;
 - b. Tempek Adat Tengah;
 - c. Tempek Adat Kelod.

S A R G A II
PETITIS LAN PAMIKUKUH

Pawos 2

Desa Adat Cekik ngemanggehang pamikukuh mekadi:

- a. Pancasila;
- b. Undang-Undang Dasar 1945, pemekas pasal 18;
- c. Tri Hita Karana manut tata cara Agama Hindu.

Pawos 3

Luir petitis Desa Adat Cekik:

- a. Mikukuhin miwah ngerajegang sanghyang agama;
- b. Nginggilang tata prawertine meagama;
- c. Ngerajegang kasukertan desa saha pawongannya sami sekala lawan niskala;
- d. Ngajegang tata sangaskaraning pawongan pamekas sane ngiket pakulawargan;
- e. Ngajegang kasukertan seraja druwening desa miwah druwening pawongannya sami.

S A R G A III

SUKERTA TATA PAKRAMAN

Palet 1

Indik krama

Pawos 4

Sane sinanggeh krama Desa Adat Cekik inggih punika:

1. Sehanan sang jenek mepaumahan ring wewidangan Desa Adat Cekik nyungkemin Agama Hindu lan Tri Kahyangan sane magenah ring Desa Adat Cekik, punika sinanggeh krama Desa Adat Cekik;
2. Yan wenten wong sios jumenek ring wewidangan Desa Adat Cekik, kawentenanipun kabatek antuk tugas pemerintah wiadin ngere-reh pangupa jiwa punika sinanggeh tamiu.

Pawos 5

Krama Desa Adat Cekik wenten tigang soroh indik punika:

- a. Krama ngarep;
- b. Krama penyelehihi (truna kuasa wiadin deha kuasa);
- c. Krama balu:
 - a) Balu remban (madue pianak kantun alit);
 - b) Balu ngelintik wiadin putung.

Pawos 6

Kawit dados krama desa:

- a. Sangkaning ngamong karang paumahan;
- b. Mawit pawiwahan.

Pawos 7

1. Panumayan tedun mekrama desa ring sang sampun mapikuren wiadin merabian, masengker manut perarem saking wit makala-kalaan;
2. Krama saking sewos desa masengker tigang sasih mawit mapumahan.

Pawos 8

Behanenin krama desa sane keni tetegenan, ayah-ayahan luire:

- a. Kramangarop keni ayahan nyumek, mapiteges ayahan-urunan ma-
lungkul;
- b. Krama penyeledihi keni ayahan-urunan manut perarem;
- c. Krama balu keni ayahan-urunan manut perarem;
- d. Prade rikalaning ngayah wenten sisalih tunggil krama matillan
sedereng puput karya wehang krama inucap keni pamidanda geng
ipun manut perarem.

Pawos 9

Sulur ayah-ayahan:

- a. Dados ngewakilang ring sang sewosan sane sampun menek truna
wiadin daha;
- b. Dados mapuankid prade wenten kabuwatan luire:
 - a) Keni dedauhan saking guru wisesa;
 - b) Kaluwasan ngewangun umah saha luir meyadnya;
 - c) Kapiambeng (sangkan, matepetin anak sakit, kepadaman
lan sekancannya);
 - d) Pidadab papuwangkida inucap kasulurang manut perarem.
- c. Dados ngompog utawi numbas ayahan prade:
 - a) Dados pegawai pemerintah;
 - b) Nagingsir genah jenek ngereroh pangupa jiwa ring desa
sane sewosan;
 - c) Indike inucap kasulurang manut perarem.
- d. Nyada mapiteges mademang ayahan risampun mayusa enom dasa li-
na warsa;
- e) Nyade utawi nyuksukin olih sang penyeledihi sane sampun si-
nanggeh daha wiadin truna.

Pawos 10

Indik wusan dados krama adat:

- a. Sangkaning:
 - a) Pinunas ngeraga, kesah ke dura desa utawi ngelanghung-
in segara;

- b) Kanorayang duaning tan sida ngesehin solah maprawerti setata nguwug kecaping awig-awig;
 - c) Sang katiwakin pamidanda, prade kukuh taler katur piuning ring guru wisesa.
- b. Sang wusan mekrama tan polih pah-pahan sangkaning padruwean desa.

Palet 2

Prajuru desa

Pawos 11

- a. Desa Adat Cekik kaenter antuk Bendesa Adat;
- b. Bendesa Adat patut:
 - a) Mawiwit saking krama ngawit;
 - b) Keadegan melarapan antuk pemilihan olih paruman krama;
 - c) Maduluran atur piuning ring Kahyangan desa.

Pawos 12

- a. Bendesa Adat kesanggra antuk:
 - a) Petajuh utawi pangliman pinaka wakil;
 - b) Penyarikan pinaka juru surat;
 - c) Petengen pinaka pengemong druwen desa;
 - d) Kasinoman pinaka juru arah akeh ipun manut kabuatan.
- b. Sejeroning ngeterang kasukertan niskala, Bendesa mingsinghihang Pemangku Kahyangan desa.

Pawos 13

Swadarman prajuru:

- a. Swadarmaning Bendesa Adat luire:
 - a) Ngenterang penglaksanaan daging awig-awig miwah perarem desa;
 - b) Midabdabin tatene ngangge seraja brana druwen desa;
 - c) Nuntun tur ngenterang krama rawuhing warga desa ngupadi kasukertan sekala-niskala;
 - d) Nuntun saha ngenterang warga desa ngupadi nginggilang Sanghyang Agama, kasucian Kahyangan, pawongan, pelemahan miwah tata caraning setra;
 - e) Nuntun saha nyaksinin tata cara miwah sangaskaraning ka-

- huripanne mabuat sane ngilitang sulur pakulawangan;
- f) Mawosin tur niwakang pamutus marep ring wicaran warga desa;
 - g) Ngewakilin pinaka duta desa matemuwang bawos ring sapa-sira ugi;
 - h) Lan sewosan sane wenten pakiketannya ring Desa Adat.
- b. Panglaksanaan ring ajeng patut kasiarang ring paruman desa kapungkur;
 - c. Bendesa Adat sumakuta natak pamutus paruman desa ngeninin swadarman swang-swang.

Pawos 14

Olih-olihan prajuru:

- a. Olih-olihan prajuru desa luire:
 - a) Laluputan pakenan-kenan utawi papeson;
 - b) Angkepan duman;
 - c) Olih-olihan sewosan manut kawenten nyane;
- b. Olih-olihan prajurune inucap kadudongng manut perarom.

Pawos 15

Ngentosin prajuru:

- a. Prajuru desa kengin kagentosin riantukan:
 - a) Seda;
 - b) Kanorayang dwaning iwang pemargi, nilar sesana;
- b. c) Wit saking kayun rahayu, santukan wenten tatujon sane mabuat.
- b. Nganorayang utawi ngentosin prajuru patut sejeroning paruman tur kaingkupin antuk krama desa.

Pawos 16

Papeson lan laluputan:

- a. Laluputan utawi papeson krama Desa Adat Cekik, Sejeroning ngupadi kasukertan desa kasulurang:
 - a) Pengayah ngarep kani saungkul;
 - b) Pengayah balu remban keni manut balun nyane;
 - c) Pengayah balu ngelintik keni atenga.

- b. Desa mepaweweh laluputan ayah-ayah ring sang inggilang linggih utawi sang kawelas asih;
- c. Sejawaning prajuru desa sane pasti ke polih laluputan ayahan mekadi:
 - a) Para sadaka mekadi Pemangku Kahyangan, Panyiwian desa lan Penyade;
 - b) Sutri miwah Serati;
 - c) Sang sungkan tahunan tan tinamban;
 - d) Kelihan Dinas miwah sane sewosan sane kajudi antuk desa
- d. Sor singgih laluputan miwah bacakan sang luput kasulurang manut perarem.

Palet 3
Indik kulkul
Pawos 17

- a. Kulkul ring Desa Adat Cekik, luire:
 - a) Kulkul desa;
 - b) Kulkul ring swang-swang Kahyangan/Tri Kahyangan;
 - c) Kulkul sekaha gong;
 - d) Kulkul Subak.
- b. Tabuh tatepakan kulkul desa sekadi ring sor:
 - a) Atuludan lambat-tengeran, tedun ngayah;
 - b) Atuludan bulus-tengeran, ke pancabaya;
 - c) Kulkul kelayusekar utawi putus seda:
 - (a) Tengeran lambat 3 x 2, ciri wenten warga desa sane kempakan/seda, tur nenten wenten pemargi mendem wiadin sawa kainepang;
 - (b) Tengeran lambat 3 x 3, wong sane kempakan/seda kedadosang kapendem pramangke.
- c. Kulkul ring swang-swang Kahyangan katepak napkala wenten wali
- d. Kulkul sekaha katepak manut kabuatannya.

Pawos 18

- a. Kulkul desa tan wenang katepak yening tang sangkaning pituduh prajuru desa, sejawaning tengerang ke pancabaya;

- b. Sang nepak tan sangkaning pituduh patut digelis atur supeksa maka buatan panepakne, yan tan mangkana wenang sang mamurug kadanda manut perarem;
- c. Mulkul sekaha tan kalugra nyawerin (matehin) tengeran mulkul desa, prade mamurug taler kadanda manut perarem.

Palet 4

Indik Paruman

Pawos 19

- a. Paruman miwah sangkepan ring Desa Adat Cekik wenten:
 - a) Paruman desa kawentenang manut kabuatan naler napkala maka jalaran arah-arah manut tetujon;
 - b) Sangkepan prajuru desa kawentenang manut perarem;
 - c) Paruman sekaha-sekaha kawentenang manut perarem.
- b. Paruman desa miwah sekaha kadudonang sekadi ring sor:
 - a) Prasida lumaksana risampun kasarengin antuk sang patut ngamiletin, kamanggala antuk tengeran mulkul miwah pailen ngaracana Ida Sesulunan, maka sarana Widi Wid na, Semalihe mangda abucane adat Bali tur nenten ladaosang makta gegawan sakaluire;
 - b) Tan kalugra ngawetuaken suara gore utawi byuta, yan kapiwalin keni danda manut perarem;
 - c) Sehanan pamutus kautsahayang pisan mangda melarapan antuk gilik beriuik siu.
- c. Prade pidaging paruman tan kaingkupin mangda prajuru ngilikang bebawos saha putusan mangda kararemin antuk krama desa bilih tan prasida kasungkemin jantos ping tiga, prajuru wenang nunas bawos ring sang ngawo wenang.

Pawos 20

- a. Sejeroning paruman desa, Bendesa patut nyiarang pamargi ngen-terang desa pemekas ngeninin indik;
 1. Munjuk lungsurang pekraman miwah ayah-ayahan, sulur arta-brana /druwen desa;
 2. Pemargin usaha-usaha desa sane mabuat;
 3. Rencana prajuru ngeninin usaha desa kapungkur.

- b. Sehanan wicara katitenin saha katiwakin pamutus antuk perarem desa, maka pamitegep panglaksanaan daging awig-awig.

Pawos 21

- a. Sangkepan prajuru desa kawenangang wantah ngerincikang pangrencana usaha desa kapungkur;
- b. Sangkepan prajuru desa tan kawenang ngawedalan tetegenan ring krama, sedereng kaingkupin antuk krama desa;
- c. Pamutus sangkepan prajuru desa ngawetuang pasuara maka pidagigg petuduh sang ngawewenang utawi ngenekang pecak perarem krama desa.

Palet 5

Indik Druwen Desa

Pawos 22

Padruwen Desa Adat Cekik sekadi ring sor:

- a. Kahyangan desa luire:
 - e) Pura Puseh, Desa/Bale Agung;
 - b) Pura Dalem miwah Mrajapati;
 - c) Padma ring wantilan desa.
- b. Wantilan kalih pelemahannya;
- c. Setra kalih pelemahannya;
- d. Lelangon mekadi: barungan tetabuhan/gong, ilen-ilen wali, rejang pendet, topeng.

Pawos 23

Olih-olihan Desa Adat Cekik luire:

- a. Urunan saking krama desa;
- b. Paica-paica sane tiosan sane patut.

Pawos 24

- a. Prajuru desa wenang ngetangang druwen desa manut perarem;
- b. Nyabran pesangkepan desa prajuru pengemong druwen desa mangda ngawentenang pari indik munjuk lungsuring padruwen krama;
- c. Saka druwen desa patut wenten ilikitannya;
- d. Tan kalugra ngadol utawi ngesahang padruwen desa yan tan kasungkemin antuk krama desa.

Palet 6

Sukerta Pamitegep

Kaping 1

Karang, Tegal lan Carik

Pawos 25

- a. Krama desa pengemong karang paumahan patut ngewatesin karang nyane suang-suang;
- b. Karang inucap mangda magegaleng manut dresta sane kapi lukuhin olih krama;
- c. Sinalih tunggil krama sane ngewatesin karang mangda mesadok saha kesaksinin olih prajuru;
- d. Prade wenten karang kabebeng mangda kautsahayang wenten pamar- gin nyane;
- e. Sang tungkas ring pidabdab desa onang kadanda manut perarem.

Pawos 26

- a. Sinalih tunggil krama desa lan kabagra:
 - a) Ngalah-alah margi, tegal, telajakan desa, karang desa lan saka luih ipun;
 - b) Ngalah-alah tanah tegak kahyangan, setra lan sekancan tegak sinanggeh suci.
- b. Prade wenten sekadi ring ajeng, sang pengalah-alah patut ngewaliang tanah inucap saha keni pamidanda manut perarem kadulurin antuk upakara ring ngalah-alah tanah suci.

Pawos 27

Indik ngeletehin karang:

- a. Tan wenang nanem utawi nunjel sawo miwah awak-awakan sawo ring karang paumahan;
- b. Tan wenang makta wiadin ngenahang barang saka luih sane ngawinang leteh wiadin ngeletehin ring karang paumahan bilih-bilih yan keletehin ipun ngelantur nyantos ngalimbak ngeletehin karang anak lian miwah desa pakraman manut Agama Hindu;
- c. Sapa sira sane tiwal wiadin tungkas arep ring parindikan inucap patut kadanda manut perarem tur mangda ngewaliang kasucian karang inucap antuk upakara kesaksinin olih prajuru.

Pawos 28

Indik ngentasang sawo:

- a. Ngentasang sawo kepatutang ring pekarangan miwah pamedalan sane mula yoga pamargin sang madruwe sawo yadyastun wenten pamedalan sane sewosan;
- b. Ngentasang sawo ring tegalan wiadin carik anak lian kepatutang manut pituduh prajuru desa wiadin prajuru subak;
- c. Indik tataning ngentasang sawo kasulurang luire:
 - a) Tanah sane kemarginin kadi inucap patut kaprayascita antuk sang madrebe sawo tur kamargiang ring tanah sane ke entap pinih riin, selantur ipun tanah sane ke entap ukuran patut kasiratin kewanten antuk tirta prayascita punika;
 - b) Ngentasahg sawo ring tukad, pangkung wiadin rurung sang madrebe sawo tan sandang ngawentenang prayascita ring genah-genah sane ke entap punika.

Pawos 29

Indik padem ring pekarangan anak lian:

- a. Yan wenten jadma padem ring karang paumahan wiadin tegal miwah carik anak lian, genahe punika patut kaprayascita antuk sang madrebe sawo;
- b. Yan wenten sawo wiadin barang sane sinanggeh leteh manut agama, tan janten sane neruwenang, barang punika patut kasanggra/kaprayascita miwah kaprateka olih krama banjar sesampune polih panugrahan ring sang guru wisesa.

Kaping 2

Indik Pepayon

Pawos 30

- a. Ngawit nandur pepayon/tanem tuuh, patut adepa agung ngajeroang saking bates prade jantos ngaliwat bates wenang kasepat gantungin;
- b. Yening wenten tetanduran ngungkulin, semalihe mewastu mayanin kapisaga, tetanduran punika patut kewara, ping ajeng prasida sang neruwenang wit ngerebah utawi notor;

- c. Prade sampun kewara tan wenten usaha saking sang neruwenang wit inucap tan melaksana punika patut kelaksanayang olih i krama adat tur pepayonan inucap kerampag;
- d. Sang keni pamidanda penyangaskara saha prabya manut perarem arep ring wewangunan sane karubuhin luire:
 - a) Sang neruwenang pepayonan wit sinanggeh mayahin, prade pungkak ngerubuhin wewangunan krama tios;
 - b) Sang monggol utawi ngerebah pepayonan tur nyantos ngerubuhin wewangunan krama tios.
- e. Krama desa patut ngemanggehang kawerdian tanem tuuh sane ngawinang desane asri tur lestari.

Kaping 3

Indik Wewangunan

Pawos 31

- a. Nyabran ngewangun patut:
 - a) Mesadok ring prajuru, ping ajeng prade wewangunan ngeninin bates;
 - b) Ngangge asta bumi miwah gegulak asta kosali-kosala sanistane manut ring petitis niskala;
 - c) Tan nyayubin kapisaga.
- b. Prade wewangunan nyantos nyayubin, bilih-bilih temboke ring tengahing bates, risampun kewara tur kesadokang ring prajuru taler tan karunguwyang wiadin tan kelaksanayang wenang sang ngewangun kedanda manut perarem saha tembokipun kagubar.

Kaping 4

Indik Wewalungan

Pawos 32

- a. Sehanan warga desa sane miara wewalungan patut sayoga nitenin, negul, ngelogor mangda tan ngarusakin karang wiadin pabyanan krama sios, bilih-bilih jantos ngeranjing ngeletehin Kahyangan;
- b. Prade wenten wewalungan melumbar utawi ngeleb ngerusakin karang utawi pabyanan krama sios, risampun kewara, kengin ketaban tur tur kedanda ngewaliang wit sane karusak saha naur panebas papiaran tetabanan anut panglogiko prajuru desa utawi manut perarem;

- c. Prade jantos ngeletehin tegak suci mekadi Pemerajan, Sanggah Kemulan, Tugu/Panglurah risampun keparitatas antuk prajuru wenang sang neruwenang wewalungan punika keni danda manut agama tur kapikukuhin olih krama.

Kaping 5

Indik Baya

Pawos 33

- a. Desa Adat Cekik nitenin sehanan baya;
- b. Sang manggihin sehanan baya patut nepak kulkul manut kehanan baya;
- c. Prade ring desa kehanan saluiring baya patut desane ngupahayu manut kehanan baya kapikukuhin antuk perarem;
- d. Prade wenten krama mamisuh utawi nguman-uman jadma tios ring Kahyangan kekeninin pamidanda manut perarem.

Pawos 34

- a. Sang manggihin kehanan arta baya-kemalingan patut ngulkul, map pitulung utawi sang kemalingan atur supeksa ring prajuru;
- b. Sinalih tunggil krama saruron ring maling keni danda manut perarem.

Kaping 6

Penyanggran Banjar

Pawos 35

Krama Desa Adat Cekik rikala ngawentenang karya suka-duka kesanggra antuk krama banjar/krama tempekan luire:

- a. Desane patut nitenin karya suka-dukan krama jantos puput;
- b. Penyanggrane manut perarem;
- c. Sang pacang makarya suka-duka mangda masadok ring prajuru;
- d. Sang tiwal ring pidabdab desa keni danda manut perarem.

S A R G A IV
SUKERTA TATA AGAMA
Palet 1
Indik Dewa Yadnya
Pawos 36

- a. Palinggih penyiwian Desa Adat Cekik luiire:
 - a) Kahyangan tiga: Pura Puseh, Pura Desa/Bale Agung, Pura Dalem miwah Mrajapati;
 - b) Penyiwian Ida Bhatara Çiwa, nunggal genah ring Kahyangan Dalem;
 - c) Penyiwian ring Bale Wantilan.
- b. Rahina piodalan/Wali suang-suang Kahyangan inucap kadi ring sor:
 - a) Pura Puseh miwah Pura Desa/Bale Agung rikala Saniscara Kliwon Wuku Klurut;
 - b) Pura Dalem rikala Saniscara Kliwon Wuku Kuningan;
 - c) Penyiwian Ida Bhatara Çiwa rikala Buda Kliwon Wuku Dunggulan;
 - d) Penyiwian ring Bale Wantilan rikala Saniscara Kliwon Wuku Wariga.
- c. Pengaci ring pura inucap manut kecap sastra agama saha kelaksanayang: nista, madia, utama nganut kawentenang lan perarem;
- d. Pengempon suang-suang Pura manut dresta kadi ring sor:
 - a) Pura Puseh, Pura Desa/Bale Agung Ke empon antuk Krama Adat Cekik;
 - b) Pura Dalem miwah Mrajapati ke empon antuk Krama Adat Cekik;
 - c) Penyiwian Ida Bhatara Çiwa ke empon olih Sekaha Pepeletan tur keayomin antuk Krama Adat Cekik;
 - d) Penyiwian ring Bale Wantilan ke empon antuk Krama Adat Cekik

Pawos 37

- a. Ring Desa Adat Cekik kawentenang Pemangku, Serati lan Sutri akeh ipun manut kabuatan;
- b. Pemangku, Serati lan Sutri inucap keadegan melarapan antuk:
 - a) Ngelingin saking keturunan;
 - b) Ketunjuk olih krama desa/kecatri;

- c) Saking nyanjan utawi mapinunas ring Kahyangan.
- c. Sejeroning ngelaksanayang swadarman Pemangku kengin kesanggra olih Penyade/Wakil Pemangku akeh ipun manut kabuatan desa;
- d. Prabyan upacara ngawentenang (adiksa Widhi) marep ring Pemangku Penyade, Serati lan Sutri kemedalin tur kelaksanayang olih krama manut perarem;
- e. Prabyan upacara Pitra Yadnya marep ring Pemangku, Penyade, Serati lan Sutri sedana kapungkur, sejawaning kemedalin keluargan nyane taler desane ngewehin dana punia manut perarem;
- f. Pemangku, Penyade, Serati lan Sutri tan kengin keadegang luire:
 - a) Sang cedangga: buta, bongol, peceng, perot lan sekancannya;
 - b) Gering-ila, edan, ayan, buduh lan sekancannya;
 - c) Nastika/tan ngugonin Sanghyang Agama;
 - d) Sane tan maduwe kesucian urip utawi pari polah tan becik.
- g. Pemangku, Penyade lan Sutri patut ngemanggehang sesananing Pemangku, yan piwal keni danda manut perarem;
- h. Nyuwudang Pemangku, Penyade, Sutri lan Serati kasulurang manut perarem.

Pawos 38

Swadarma Pemangku, Penyade, Sutri lan Serati

- a. Swadarma Pemangku, Penyade ring Desa Adat Cekik luire:
 - a) Nuntun saha ngenterang krama desa ngemanggehang kesucian Kahyangan;
 - b) Munggah-tedun ring pelinggih penyiwian desa miwah ngiasin pralingga manut pemastian prajuru;
 - c) Nuntun saha nabdabang lan ngilenang yadnyan krama ring Kahyangan penyiwian krama/desa;
 - d) Rajeg nganutin sesanan Pemangku luire: tan wenang salah suluh ring genah sinanggeh letuh, yan mamurug wenang Mangku inucap nyapuhin raga;
 - e) Prade salah sinunggil Mangku kapialang utawi cuntaka, kengi nyelang Mangku tiosan:
- Indik kecuntakan Mangku kasulurang manut perarem.
- b. Swadarman Sutri tan mari ngemanggehang kesucian;
- c. Swadarman Serati banten luire:

- a) Ngenterang krama desa sejeroning midabdabin upakara yadnya manut pemastikan prajuru;
- b) Nyanggra Pemangku-Pemangku sejeroning ngilenang upakara yadnya miwah sane siosan sane ngrangkul yadnyan desa.

Pawos 39

Petias utawi olih-olihan Pemangku, Penyade, Serati lan Sutri:

- a. Penyolongan miwah sarin canang suang-suang kadudonang manut perarem;
- b. Luput pekaryan lan rerampen/reramon;
- c. Olih-olihan tiosan manut perarem.

Pawos 40

a. Pemangku, Penyade, Serati lan Sutri kagentosin riantukan:

- a) Seda;
- b) Pinunas ngeraga;
- c) Kawusang antuk krama.

b. Panglaksanaan pangentos inucap kasulurang manut perarem.

Pawos 41

Kasukertan Kahyangan kadi ring sor:

Tan kalugra ngeranjing ke Pura luire:

- a. Sang ketiben cuntaka, makadi sebel saking ngeraga:
 - a) Sebel kandel ngerajaswala, selami dereng mabersih;
 - b) Sebel madruwe putra, selami 42 ~~rahina~~;
 - c) Sebel penganten, selami dereng makala-kalaan;
 - d) Sebel sangkaning kepademang kelayu sekar, selami dereng masepuh.
- b. Makta sehanan barang sinanggeh ngeletuhin;
- c. Sata Agung, sejawaning rikala mapapada;
- d. Mabusana tan manut kadi tatacaraning ngeranjing ke Pura;
- e. Sedereng polih wak-wakan saking prajuru.

Pratingkahe tan wenang ring Pura:

- a. Masumpah sejawaning pituduh prajuru desa;
- b. Makobetan, masesenengan, makolem dados asiki lanang-wadon, mebacin mewihara, nyangsang busana, menahin pusungan;
- c. Mungguh-tedun ke pelinggih sejawaning pituduh prajuru.

Sang mamurug kadi kecape ring ajeng keni arta danda lan dewa danda manut agama kasungkemin krama manut perarem.

Pawos 42

- a. Yan wenten jadma kerauhan ring Pura nenten sangkaning kehnyangan Ida Bhatara, jadma inucap patut kasisipang manut perarem;
- b. Prade Kahyangan kehanan durmangala minakadi kepancabaya Pemangku patut digelis nyadokang ring prajuru;
- c. Saluir kecemaran/kadurmangalan Kahyangan desa kapahayu manut sastra, agama, dresta saha kapikukuh olih krama manut perarem.

Palet 2

Indik Rsi Yadnya

Pawos 43

- a. Sang pacang madeg pandita utawi pinandita minakadi: Balian Sonteng, Kebayan, Dalang miwahsaluir sane jagi ngenterang yadnya patut masadok ring prajuru desa kalih Parisada Hindu Dharma Indonesia;
- b. Prajuru desa patut ngawas nitenin tur nawang ngalangin prade wenten kacihnan tan patut kekecap miwah drestane, tur nyaksinin upacara saha nyiarang ring paruman desa tegap rawuhing wates kewenangan pengenter yadnya;
- c. Krama desa patut ngaturang ayah sepemadeg miwah ring penglepas Sang Sulinggih riwekas katuntun antuk prajuru.

Pawos 44

- a. Sang Sulinggih mangda ngutamayang muput yadnyan krama Desa Adat Cekik;
- b. Krama desa sami patut sareng ngawas nitenin katuntun antuk prajuru, mangda sehanan yadnya sane kawentenang kaicen pamuput olih Sang Sulinggih utawi Pinandita manut kawenangannya suang-suang.

Indik Pitra Yadnya

Pawos 45

Pidabdab mendem sawo miwah atiwa-tiwa:

- a. Genah mendem utawi atwa-tiwa krama ring Desa Adat Cekik kewas-tanin Sema utawi Setra;
- b. Sang pacang ngangge Setra patut nunasang kebebasan ring Bende-sa Adadt saha tatane ngangge kasulurang mangda manut ring dres-ta utawi mekadi pantangan luire:
 - a) Purnama, tilem;
 - b) Ngelingin wali ring Kahyangan miwah rerahinan gumi mangda nenten keni sampet;
 - c) Dina Semut Sedulur (Sukra Pon, Saniscara Wage, Redite Kliwo);
 - d) Dina Kala Gotongan (Sukra Kliwon, Saniscara Manis, Redite Paing);
 - e) Dina Titi Buuk (Weraspati Manis, Buda Pon);
 - f) Soma Kliwon/dauh sunia, yan jagi mendem mangda muat api;
 - g) Dina-dina sane tiosan kasulurang ring perarem.
- c. Kepastika tan dados nginepang bangbang genah pacang mendem sawo;
- d. Sawo wong rare durung tumbuh untu patut kependem pramangke, ke-wanten wenten pantangan, indike punika kasulurang ring perarem;
- e. Ring Desa Adat Cekik kawetenang Setra kekalih, sapasira pacang ngangge Setra utawi mendem sawo lintangan ring adiri-arahina mangda pemargine saruron utawi indike punika mendem wiadin nge-seng kasulurang ring perarem;
- f. Jadma padem nandang sakit ila, sawan nyane patut kapendem ring Setra;
- g. Jadma padem salah-pati, ngulah-pati sawan nyane sadurung kepen-dem yogio ngeranjing kepakubon;
- h. Saluir gegumuk ring Setrane kasinanggeh ngelikadin patut kagubar olih krama desa saha kaenterang olih prajuru.

Pawos 46

Swadarmaning desa

Swadarmaning desa prade wenten krama sinalih tunggil meyadnya utawi kelayu sekar:

- a. Sang kaduhkitan patut mesadok ring prajuru tur nunas tetimbangan ring kawentenannya;

b. Krama suma kuta nyanggra pekaryan sang kabuatan/meyadnya jantos puput katitenin olih prajuru.

Pawos 47

Indik penanjung batu:

a. Prade wenten sawo pacang kependem wiadin ke Aben megenah ring Sema/Setra Adat Cekik, wong inucap boya wantah warga Adat Cekik ipun patut keni penanjung batu/penukun karang Setra agung alit manut perarem.

Pawos 48

a. Sane kasinanggeh kacuntakan sekadi ring sor:

- a) Cuntaka antuk kelayu sekar;
- b) Cuntaka antuk ngerajaswala;
- c) Cuntaka antuk ngembasang putra;
- d) Cuntaka antuk karuron;
- e) Cuntaka antuk sakit ila/buduh;
- f) Cuntaka antuk pawiwahan;
- g) Cuntaka antuk gamia-gamana;
- h) Cuntaka antuk salah timpal;

(i) Cuntaka antuk yening wenten anak istri mobot nenten ka-upakarayang tur pawidi widana;

j) Cuntaka antuk mamitra ngalang;

(k) Cuntaka antuk yening wenten anak istri ngawentenang putra durung maupakara pabiakaonan tur pawidi widana;

l) Cuntaka antuk sad tetayi.

b. Sesengker cuntaka ngemanggehang daging seminar kesatuan tafsir aspek-aspek Agama Hindu.

c. Untasing cuntaka inucap kasulurang antuk sima-dresta kapikukuh manut perarem.

d. Sang tiwal ring pidabdab desa ngeninin indik cuntaka keni danda manut perarem.

Palet 4

Indik Manusa Yadnya

Pawos 49

a. Desa Adat Cekik nitenin lan nyanggra sinalih tunggil krama nge-laksanayang Manusa Yadnya, pelaksanaan inucap manut perarem.

- b. Sang sane melaksana yadnya mangda mesadok ring prajuru.
- c. Sang tiwal ring pidabdab desa keni pamidanda manut perarem.

Palet 5

Indik Bhuta Yadnya

Pawos 50

- a. Desa Adat Cekik nitenin lan nyanggra upacara bhuta yadnya saluir kabuatan desa, saha tata pelaksanannya manut agama lan dresta kapikukuh antuk krama desa.
- b. Desa Adat Cekik nyanggra tahur kesanga rauhing penyepen pelaksanannya mapegamel ring pamutus Parisada Hindu Dharma Indonesia nganutin ring dresta desa, kapikukuh olih paruman krama desa.
- c. Krama sane pacang ngelaksanayang bhuta yadnya sane manuat mangda mesadok ring prajuru, sang sane tiwal ring pidabdab desa keni pamidanda manut perarem.

S A R G A V

SUKERTA TATA PAWONGAN

Palet 1

Indik Pawiwahan

Pawos 51

- a. Desa Adat Cekik nitenin indik pawiwahan sinalih tunggil krama desa.
- b. Indik pawiwahan Desa Adat Cekik ngemanggehang Undang-Undang No.1 tahun 1974, miwah PP. No.9 tahun 1975.
- c. Tata cara lan seupacaraning pawiwahan nganutin Agama Hindu lan dresta kasulurang manut perarem.
- d. Sang pacang mawiwaha mangda mesadok ring prajuru ngelantur pinaka saksi.
- e. Sang sane tiwal ring pidabdab desa keni pamidanda manut perarem.

Palet 2

Indik Sentana

Pawos 52

- a. Desa Adat Cekik nitenin sinalih tunggil krama ngadegang/ngangkat sentana.
- b. Indik nitenin inucap, Desa Adat mapegamel ring pidabdab jagat nganutin ring dresta desa tur kapikukuh olih Krama manut perarem
- c. Sang pacang ngangkat sentana mangda mesadok ring prajuru.
- d. Sang tungkas ring pidabdab desa keni danda manut perarem.

Palet 3

Indik Warisan

Pawos 53

- a. Desa Adat Cekik nitenin sinalih tunggil krama nyulurang warisan.
- b. Saluir warisan, Desa Adat Cekik mapegamel ring uger-uger jagat (peraturan negara), keanutang ring dresta lan kapikukuh olih krama.
- c. Tata cara nyulurang warisan sinalih tunggil krama keanutang ring perarem.
- d. Sinalih tunggil krama sane nyulurang warisan mangda mesadok ring prajuru.
- e. Sang tungkas ring pidabdab desa keni danda manut perarem.

Pawos 54

Ngerobang

- a. Sehanan krama sane ngerobang utawi ngajak anak siosan lempas ring drestaning pakulawargan upami:
 - a) Ngajak anak duduk-dudukan;
 - b) Ngajak nyama mulih saking mapikuren;
 - c) Jadma masundulang dewek;
 - d) Ngajak nyama mulih saking rajeg sentana;
 - e) Ruang pastika jenek miwah sane sewosan patut atur piuning ring Klian Banjar.
- b. Pesadok ring ajeng kadulurang antuk katerangan pastika ngeninin linggih, arta-brana, tetegenan kramane kalih sang keajak inucap.

- c. Krama sane ngerobang patut negen sumakuta, negenang lampah sang ke ajak arepe ring kasukertan banjar.
- d. Klian Banjar ngenggahang pesadok punika ring ilikitannya saha nyiarang ring paruman banjar.

S A R G A VI

WICARA LAN PAMIDABDAB

Palet 1

Indik Wicara

Pawos 55

- a. Sane wenang mawosin mekadi mutusang wicara ring desa inggih punika; prajuru sinanggeh kerta desa.
- b. Prade sang mawicara tan wenten cumpu ring pamutus kerta desa keingin nunasang wicara inucap ring sang rumawos (Pengadilan Negeri)

Pawos 56

- a. Sehanan wicara mawiwit kacorahan saha luire sinanggeh nungkasin daging awig-awig, pasuara miwah perarem desa, prajuru patut digelis mawosin tan nyantos pesadok.
- b. Sejaba wicara kadi ring ajeng, patut nyantosin pesadok sang nunas bawos.
- c. Panepase patut pastika nyantenang iwang patut melarapan Tri Premana (saksi, ilikita, bukti) miwah tan maren nepek ring catur dresta.

Palet 2

Indik Pamidanda

Pawos 57

- a. Desa wenang niwakang pamidanda ring warga desa sane sisip.
- b. Peniwak inucap kelaksanayang olih Bendesa Adat/Klian Banjar.
- c. Bacakan pamidanda luire:
 - a) Ayahan panukun kesisipan;
 - b) Danda arta;
 - c) Rerampagan;
 - d) Kedaut karang ayahan;

- e) Penyangaskara;
- f) Kanorayang.
- d. Pamidanda sane katiwakang patut masor singgih manut ring kasl-
sipanne.
- e. Jinah utawi raja brana pamidanda ngeranjing dados druwe desa.

Pawos 58

- a. Krama sane langkung ring tigang paruman, ngelantur tan nahur
urunan miwah dadendan wenang kerampag.
- b. Rerampagan nganggen tata cara kadi ring sor:
 - a) Kelaksanayang antuk prajuru kesarengin antuk krama adat
tigang diri maka saksi;
 - b) Sang ngerampag sangkan darsana ngambil barang utawi nya-
wenin tanem tuuh akehnya manut ring utang sang kerampag;
 - c) Prajuru miteketang mangda barang-barang sane kerampag
digelis katebus, masenger awuku ring kutus rahina pacang
keadol;
 - d) Tan ngeninin saluir barang sane patut inggilang manut
agama miwah mademang pangupa jiva sang kerampag.

Pawos 59

- a. Prade sang pacang kerampag ngewara (ngalangin), pelaksana inucap
mewastu sampun tan nganutin awig-awig desa, wenang karang sane
kagenahin kadaut antuk desane.
- b. Semalih yan purun taler ngalangin pelaksana kadi ring ajeng tan
wenten pemargi, sejawaning kasepe kang antuk krama desane.
- c. Pamidanda inucap ring ajeng, keni buntas risampun sang kekeninin:
 - a) Nunas geng pengampura ring krama desa riantukan nguak pa-
subaya (perarem) pecak;
 - b) Nawur pengargan penguak pasubayane, duk pacang kerampag ka-
dulurin prayascita penyapsap keiwanganne ring desa.

S A R A VII
 NGUWAH-NGUWUHIN AWIG-AWIG

Paras 60

- a. Nguwah-nguwuhin awig-awig desa puniki kelaksanayang antuk paruman desa.
- b. Awig-awig puniki kemargiyang ngawit kaingkupin (keraremin).

Paras 61

- a. Sakaluring sane wenten sederengnya, patut keanutang ring sedaging awig-awig puniki.
- b. Sakaluring sane durung kebawos sejeroneing awig-awig puniki patut kelaksanayang menut tata cara sane sampun ketah menargi kadulurin antuk perarem-perarem.

S A R A VIII

PEUPUT

Paras 62

- a. Awig-awig puniki keraremin duk rahina Saniscara, Sasih Kapat, Içaka 1914 ring Bale Mantilan Desa Adat Cekik.
- b. Awig-awig puniki kalinggatangani antuk Bendesa Adat kesarengin Klian Tempekan, saha kesaksinin antuk Klian Dinas miwah Kepala Desa Berembeng.
- c. Luir sang ngelinggatanganin:

LUWIR SANG NGELINGGATANGANI :

I PRAJURU :

1. Bendesa Adat Cekik

(I Nyoman Sulandra)

2. Klian Tempek Adat Cekik Kaja

(I Wayan Jegeg)

3. Klian Tempek Adat Cekik Tengah

(I Wayan Suastika)

4. Klian Tempek Adat Cekik Kelod

(I Wayan Lotri)

II DINAS DESA :

Kepala Dusun Cekik

(I Nengans Lendra)

III SAKSI-SAKSI :

Kepala Desa Berembeng

(I Redong)

Parisada Hindu Dharma Indonesia

Kecamatan Selemadeg

(I Wayan Sugatri)

Kabupaten Selemadeg

CAMAT SELEMADEG

(I Wayan Supertha, B)

NIP 600004530